

Et Jaor- en Produktverslag 2013

Stichting Stellingwarver Schrieversronte



Stichting Stellingwarver Schrieversronte,

Willinge Prinsstraote 10,

8421 PE Oldeberkoop/Berkoop

Saemenstelling van et bestuur en de direktie op 31 december 2013

Et bestuur bestaot uut: Ype Dijkstra (veurzitter, Oosterwoolde), Fokke Bron (siktaoris, Munnikeburen), Henk Koelma (ponghoolder, Hooltpae), Attie Nijboer-Dijkstra (twiede veurzitter, Oosterwoolde), Jan Baas (De Oosterstreek), Peter Riksma (Zandpol), Geke Zanen-Dokter (Zuudwoolde Gr.)

De direktie is ienheufig en de funktie van direktie wodt uitvoerd deur Sietske Bloemhoff, Ni'jberkoop.

Rechtsvorm, statutaire naeme, vestigingsplak, doelstelling

De statutaire naeme ludet in artikel 1 Naeme en zetel: Stichting Stellingwarver Schrieversronte en et vestigingsplak is officieel Oosterwoolde, gemiente Oost-Stellingwarf. De doelstelling in de statuten is vaastelegd in artikel 2. Doel 1. *De Stichting stelt zich ten doel het Stellingwerfs als levende streektaal te handhaven en te bevorderen. 2. Zij tracht dit te bereiken door: a. het zelf uitgeven of doen uitgeven dan wel het bevorderen van het verschijnen van publicaties in het Stellingwerfs; b. het bevorderen van het gebruik van het Stellingwerfs als spreek- en schrijftaal in het Stellingwerver taalgebied; c. het verzamelen, bewaren en ter inzage leggen van publicaties in het Stellingwerfs; d. het organiseren en bevorderen van bijeenkomsten, waarin het Stellingwerfs als voertaal wordt voorgestaan; e. bij te dragen aan de verbreiding van de kennis van en over het Stellingwerfs; f. bij te dragen aan het vastleggen, handhaven, zo mogelijk verlevendigen of doen herleven van oude gebruiken in de Stellingwerven; g. bij te dragen aan de verbreiding van kennis van de Stellingwerver geschiedenis en folklore; h. het onderhouden en bevorderen van kontakten met personen, groepen en instellingen, die geacht worden het Stellingwerfs en de uitingen hierin te bevorderen of te willen bevorderen; i. alle andere wettige middelen, welke voor het doel der stichting bevorderlijk kunnen zijn.*



Et bestuur van de Stichting Stellingwarver Schrieversronte.

Achter: v.l.n.r. veurzitter Ype Dijkstra, twiede veurzitter Attie Nijboer, Geke Zanen en siktaoris Fokke Bron.

Veur: v.l.n.r. ponghoolder Henk Koelma, Jan Baas en Peter Riksma.

(Foto: Lenus v.d. Broek)

ET JAOR- EN PRODUKTVERSLAG 2013 VAN DE STICHTING STELLINGWARVER SCHRIEVERSRONTE

Et bestuur van de Stichting Stellingwarver Schrieversronte bödt et jaorverslag 2013 an. Et bestuur konstateert dat d'r in et jaor 2013 verschillende aktiviteiten van de stichting uitvoerd of opzet binnen en tot mooie risseltaoten leided hebben of leiden gaon.

Nao et feestelike en suksesvolle jubileumjaor 2012 is de Stellingwarver Schrieversronte in 2013 veerder gaon mit de verni'jingsslag zoas die in et jubileumjaor 2012 in 'Stellingwarf veuruut' prissenteed is. Opni'j wodden daorveur ni'je aktiviteiten ontwikkeld en uitvoerd, en wodde et kontakt mit de dörpen in et kader van 'Mit et Stellingwarfs naor de dörpen toe' waarm holen. Daornaost is mit naeme et aanbod van et kursuswark beheurlik uitgebreid. Opni'j wodde dudelik dat de Stellingwarver Schrieversronte in een belangrieke funktie veurzicht deur te zorgen veur een goed streekgericht kultureel en maatschoppelik aanbod veur de inwoners van Stellingwarf, mit daorbi'j extra ommedaenken veur ni'je inwoners. Veerder is mit naeme deur de hulpe van een ni'je groep vaaste vri'jwilligers veul wark verzet veur et herindielen en digitaliseren van et Kenniscentrum. Butendat zet de Schrieversronte him meer en meer in veur et toerisme in oonze mooie regio.

De gruiende belangstelling van jongere meensken veur de eigen streektael en streekkultuur blift gruien. Bi'j sommigen utert him dat in et opvraogen van studiemateriaol, eren geven bi'j de Stellingwarver Schrieversronte al kursussen of powerpoint-prisentaosies. De holing van de jeugd t.o.v. de streektael is in tegenstelling tot een tal jaor leden positief, een kentering die de hieltied meer deur liekt te zetten.

De belangstelling veur de uitgiften van de Stellingwarver Schrieversronte stemt ok dit jaor tot grote tevredenheid. Et aanbod van inhoudelik goeie manuskripten blift goed. Schrievers, ok de jongere schrievers, weten et pad naor de uitgeveri'je van de stichting goed te vieren. De belangstelling van lezers en et koperspeblik blift, ondaanks de krisis, goed op peil. Deur de grote inzet van roem 80 vri'jwilligers wodde de sutelaktie van 2013 een sukses. Mar ok via de boekwinkels blieven de uitgiften redelik tot goed verkopen.

Konklusie: et bestuur stelt vaaste dat et belangstelling tonen veur et Stellingwarfs en de Stellingwarver streekkultuur nog altied groter wodt.

Verslaglegging

Veur de financiële verslaggeving van de Stichting Stellingwarver Schrieversronte en van de Stichting Et Boekefoons zorgde MRW-Accountants in Wolvege.

Saemenstelling bestuur

Et bestuur bestuurt op heufdlijnen, neffens et principe cultural government. De direktur adviseert et bestuur over inhoudelike zaeken en ontwikkelt et ni'je warkplan, dat deur et bestuur vaastesteld en dat vervolgens veurlegd wodt an o.e. de subsidiegevers (de beide Stellingwarver gemienten en de perveensie Friesland). Et bestuur vergeerderde in et verslagjaor zeuven keer.

Saemenstelling bestuur in december 2013

Veurzitter:	Ype Dijkstra, Oosterwoolde
Siktaoris:	Fokke Bron, Munnikeburen
Ponghoolder:	Henk Koelma, Hooltpae
Twiede veurzitter:	Attie Nijboer, Oosterwoolde
Leden:	Jan Baas, De Oosterstreek, Peter Riksmas, Zandpol, Geke Zanen-Dokter, Zuudwoolde

Passeniel

De overlegstructuur binnen de organisaosie is as volgt: ien keer in zes weken is d'r warkoverleg en aanderhalve weke veur elke bestuursvergeerdering hebben veurzitter, ponghoolder en direkteur een ofstemmingsoverleg.

In dienst in et verslagjaor:

Sietske Bloemhoff, direkteur 24 uren, Stellingwarfs binnen hiemkunde 8 uren.

Trijnie Telkamp, DTP *De Ovend* en uitgeveri'je en algemien administratief wark, 24 uren.

Immy Sloot-Brugge, administratief wark en financiële administraosie, 16 uren.

Saskia Douma, 8 uren kennis- en dokumentaosiecentrum.

Ninke van der Veen, 3 uren in de maond, webmaster.

Vaaste vri'jwilliger:

Rosa Bosma, huushooldelike dienst, 3 uren.

Vri'jwilligers:

Veur de Stellingwarver Schrieversronte zetten heur jaarliks, op wat veur meniere dan ok, zoe'n 200 personen in.

Kemmissies en warkgroepen

Binnen de Stichting Stellingwarver Schrieversronte funktioneren de volgende kemmissies:

■ **warkgroep kursusleiding Stellingwarfs veur beginners**

(Roely Bakker, Grietje Bosma, Henk Bloemhoff, Pieter Jonker en Geert Lantinga)

■ **veldnaemekemmissie**

(de kemmissie komt bi'j mekeer wanneer neudig; koördinaosie Henk Bloemhoff)

■ **redaktie De Ovend**

(Jannes Westerhof, Jimmy Visser; buroredakteur Sietske Bloemhoff)

■ **saemenstelling jaarlikse kelender**

(Sietske Bloemhoff)

■ **sutelaktiekemmissie**

(Fettje Alten, Fenna van der Meulen, Margje van der Meulen, Koop Oosterloo, Jan Punter, Johan Veenstra en Sietske Bloemhoff)

■ **warkgroep Publiciteit**

(Gerrie Koopstra, Anneke Koopstra, Koop Oosterloo, Akkie Zeilstra, Albertha Zwaagstra)

■ **kemmissie Stellingwarver streeknaemen op'e kaorte**

(Geert Lantinga, Henk Bloemhoff (koördinaosie); disse kemmissie komt bi'j mekeer wanneer neudig)

■ **wargroep Stellingwarfpop**

(Klaasje Herder, Piet Tjassing en Sietske Bloemhoff)

■ **wargroep Dokumentaasiecentrum/Kenniscentrum**

(Fettje Alten, Kiena Bouwer, Saskia Douma, Martha Dragt, Jan Koops, Kees Koopstra, Martha Niemann, Ankie Verbaan, Jan de Vries, Klaas van Weperen, Sietske Bloemhoff (koördinaasie))

■ **wargroep rouwverwarking**

(Grietje Bosma, Attie Nijboer)

■ **wargroep konversaasiekursus Praotgroep Stellingwarfs**

(Ypie v.d. Boer, Sietske Bloemhoff)

Vertegenwoordigers

De Stichting Stellingwarver Schrieversronte is vertegenwoordigd in:

- **et bestuur van de Stichting Sont** (dr. Henk Bloemhoff)
- **de raad van toezicht van de Stichting Sont** (Ype Dijkstra)
- **Stellingwarf kultureel** (Ype Dijkstra, Sietske Bloemhoff)
- **literaire wargroep 'Alles rondom taal', Stichting Kunstwerf** (Sietske Bloemhoff)
- **et bestuur van et museum Oold Ark** (Roelof Gorter)
- **bestuur lekaole omroep Odrie** (Attie Nijboer)
- **jury H.J. Bergveldpries** (Peter Riksma)
- **jury Stellingwarver Schrieveri'je-pries** (Peter Riksma)
- **wargroep H.J. Bergveldpries die de literaire priezen organiseert** (Sietske Bloemhoff, adviseur)

Webstee www.stellingwarfs.nl

De algemiene webstee van de Stichting Stellingwarver Schrieversronte wodde de hieltied aktueel hollen deur et buro. Dr. Henk Bloemhoff is op vri'jwillige basis webredakteur.

Webstee www.stellingplus.nl

De webstee www.stellingplus.nl wodde veerder uutbouwd deur webmaster Ninke van der Veen. De koördinaasie van de warkzemheden d'r veur en de webredaktie wo'n verzorgd deur Sietske Bloemhoff.

Webstee www.stellingia.nl

Op disse webstee zal mit verloop van tied alle materiaal uut et Kenniscentrum van de Stellingwarver Schrieversronte digitaal in te zien wezen. In 2013 warkte een groep van tien meensken veerder an et digitaliseren van dat Kenniscentrum. De koördinaasie is in hanen van Sietske Bloemhoff, et bouwen en veerder ontwikkeljen van de webstee gebeurde en gebeurt deur Alain ter Schuur en Ninke van der Veen.

Wark- en financiële situaosie

Et bestuur van de Stichting Stellingwarver Schrieversronte bleef him ok in 2013 zorgen maeken over de financiële situaosie. Om die reden gong eerder o.e. de aktie 'Vrientien veur 'n tientien' uut aende. Et aachterliggende idee van die aktie was, om jaorliks € 10,00 per vruntien an extra inkomsten te vergeren. In 2013 is et idee ontstaon om jaorliks een ledewinaktie (Stellingwarver Dag) te hollen in ien van de dörpen. De veurbereiding daarveur is in gang zet deur de Warkgroep Publiciteit. Op zaoterdag 17 meie 2014 zal de eerste Stellingwarver Dag hollen wodden in Buil.

Toekomst

In et jaor 2013 is een veerder vervolg geven an de utbreiding van aktiviteiten en de uitvoering daarvan deur vri'jwilligers. Mit naeme de direkteur het daor in et verslagjaor flink tied an besteded, en mit sukses. Zo is d'r een groep van zes vaaste vri'jwilligers ien dagdeel in de weke bi'j de Schrieversronte an et wark t.b.v. et Kenniscentrum en de webstee stellingia.nl.



Veur de vri'jwilligers van de Stellingwarver Schrieversronte wodde in feberwaori een speciaole aovend organiseerd in et dörpshuus van Langedieke.

PRODUKTVERSLAG 2013

A 1. INFERMAOSIE, ADVIES EN PUBLICITEIT

In et verslagjaar verschenen d'r een flink tal passeberichten deur et hiele verslagjaar henne, die naor zoe'n twintig verschillende media sturd wodden. Veural veur de boekuitgiften was in de verschillende media een protte ommedaenken. Behalven de verschillende passetiedinges wodde d'r ok een tal interviews geven. In et verslagjaar wodde opni'j veurlochting geven an groepen en een flink tal personen. De behoefte van individuele personen en groepen an veerdere verdieping van oonze streektael en kultuur blif gruuien.

A 2. KENNISCENTRUM

Digitaliseren van tiedschrifte- en kraantartikels

In 2013 was mitwarkster Saskia Douma veural drok mit et herorganiseren van et Kenniscentrum. Ze kreeg daorbi'j de hulpe van een groep vaaste vri'jwilligers, dat bin: Fettje Alten, Kiena Bouwer, Martha Dragt, Jan Koops, Kees Koopstra, Martha Niemann, Ankie Verbaan, Jan de Vries en Klaas van Weperen. De koördinaosie was in hanen van Sietske Bloemhoff. Vier vri'jwilligers weren wekeliks een dagdiel doende mit et digitaliseren van mit naeme biezondere kollekties, et tiedschrift De Ovend en boeken die niet meer leverber binnen. Et digitaliseren is bedoeld om alle materiaal goed veur de toekomst te beweren, mar wodt ok plaetst op de speciaole webstee veur et Kenniscentrum, dat is **www.stellingia.nl**. As alles uut et Kenniscentrum scand en invoerd is gaot et om meer as 100.000 titels. De webstee www.stellingia.nl wodt daormit een biezondere en unieke webstee, die mit naeme veur leerlingen van et vervolgonderwies, studenten Nederlaans en geschiedenis, historici en ammeteur-historici van groot belang wezen zal.

Bezukers an de haandbiebeltheek en et kenniscentrum

Ok in et verslagjaar wodde weer riegelmaatig bezuuk ontvongen van meensken die materiaal raodplegen wollen in et Kenniscentrum. In 2012 wodde al de haandbiebeltheek verni'jd en opni'j inricht in de ni'je studie-



SSR-mitwarkster Saskia Douma in et Kenniscentrum.

kaemer. Belangstellenden veur tael en historie kun gebruik maeken van die kaemer om de gegevens uut de haandbiebeltheek en et Kenniscentrum in te zien. Dat blikt in de praktiek goed te voldoen. Speciaole kollekties, foto's, geluudsmateriaol etc. wo'n niet uutliend. Ok dit verslagjaar weren d'r weer mit riegelmaat vraogen van studenten van verschillende universiteiten en hogeschoelen. Vaeke blikt dat van teveuren infermaosie haeld is van de webstee **www.stellingwarfs.nl**. Et tal vraogen dat via internet en tillefoon binnenkomt was ok dit jaar roem boven de twiehonderd.

Warkgroep Kenniscentrum

De warkgroep Kenniscentrum vergeerderde in et verslagjaar ien keer. Praot wodde over de staand van zaeken in de warkzemheden van de vri'jwilligers en beroepskrachten t.b.v. et kenniscentrum. De warkgroep beston tot halverwege et jaor uut Fettje Alten, Saskia Douma, Aafje Punter, Kees Koopstra en Klaas van Weperen. In de twiede helte van et jaor wodde ofscheid neumen van Aafje Punter en wodde de warkgroep uutbreided mit een groep vaaste vri'jwilligers. De verni'jde warkgroep kwam op 6 november veur et eerst bi'j mekeer.

B. EDUKAOSIE

B 1. KURSUSSEN VEUR VOLWASSENEN

1. Stellingwarfs veur beginners

Op 9 feberwaori 2013 slaegden acht kursisten veur heur diplome 'Stellingwarfs veur beginners'. De kursus wodde geven deur Roely Bakker, Grietje Bosma, dr. Henk Bloemhof, Pieter Jonker en Geert Lantinga. De kursus, et kursusplan en et examen staon onder toezicht van et Nedersaksisch Instituut van de RU Grunningen.

2. Snuffelkursus Stellingwarfs

De ni'je 'Snuffelkursus Stellingwarfs' is mit naeme bedoeld veur ni'je inwoners van Stellingwarf. Tiedens de kursus, die uut vier aovens bestaot, kan 'snuffeld' wodden an verschillende facetten van de streekkultuur, zoas de tael, de historie, de netuur en de literatuur. De kursus wodde geven deur Henk Bloemhoff, Jan Koops, Geert Lantinga, Ruurd Jelle van der Leij, Christine Mulder, Johan Veenstra, Jan de Vries, Jannes Westenhof en Dennis Worst.



3. Kursus Laandschopsgeschiedenis

Ni'j is ok de kursus Laandschopsgeschiedenis, die ontwikkeld is deur drs. Dennis Worst. Et doel van de kursus is in et kot: 'et lezen leren van et laandschop'. De kursus wodde disse eerste keer in Else hollen, et tal dielnemers was twintig. De kursus die uut vier lesaovens en twee exkursies bestaot, wodde geven deur Henk Bloemhoff, Geert Lantinga, Piet Rooks en Dennis Worst.

4. Kursus 'Vertel een Verhael'

An de kursus 'Vertel een verhael' die geven wodt deur Baukje Koolhaas, deden zes meensken mit. De kursus wodde op twee aovens geven, mar dat bleekt aenlik te kot. In 2014 zal de kursus op vier aovens hollen wodden.

5. Konversaosiekursus 'Praotgroep Stellingwarfs'

In et verslagjaar wodde veur et eerst de konversaosiekursus 'Praotgroep Stellingwarfs' geven. Disse kursus is veural bedoeld veur meensken die et praoten van et Stellingwarfs niet machtig binnen. De kursus beston uut acht aovens en wodde geven deur Ypie v.d. Boer en Sietske Bloemhoff. De kursus wodde ok deur Bloemhoff ontwikkeld.

CURSUS LANDSCHAPSGESCHIEDENIS



De ontstaans- en dorpsgeschiedenis van Oosterwolde en naaste omgeving

De Stellingwarver Schrieversronte start i.s.m. de Historische Vereniging van Oosterwolde e.o. op 31 maart 2014 in De Miente in Oosterwolde een nieuwe cursus landschapsgeschiedenis. Tijdens deze cursus staat de lokale dorps- en ontstaansgeschiedenis centraal. De allereerste cursus was gericht op het dorp Elsloo en bleek een groot succes. De komende jaren zal de cursus ook worden aangeboden in veel andere Stellingwerfse dorpen.

De ni'je kursus Laandschopsgeschiedenis gong uut aende in Else, in 2014 wodt de kursus in Oosterwoolde hollen.

B 2. HIEMKUNDE

In 2013 wodden acht uren in de weke besteded an de ontwikkeling van Stellingwarfstaelig lesmateriaol veur et vak Hiemkunde in et basisonderwies in de gemienten Oost- en West-Stellingwarf.

In et verslagjaar wodde zorgd veur et volgende materiaal:

- *Veur groep 1 en 2:* verwerkingsmeugelikheden bi'j et boekien Muske en Fret en kotte veurleesverhaelties mit verwerkingsmateriaol. De verhaelen en et verwerkingsmateriaol bin opneumen op de speciaole webstee veur hiemkunde www.stellingwerf-heemkunde.nl.
- *Veur groep 3 en 4:* kotte infermetieve verhaelties over de eigen leefomgeving, mit kotte opdrachten as verwerkingsmateriaol, en kotte verhaelen die bi'j et thema van de kienderboekeweke ansluten, ok weer veurzien van verwerkingsmateriaol.
- *Veur groep 5 en 6:* kotte en infermetieve verhaelties over de eigen leefomgeving mit kleine 'taelopdrachten' zoas invullessies en een 'zuuktocht' naar biezondere Stellingwarver woorden, en een verhael dat anbeuden wodt as een soort van puzel.
- *Veur groep 7 en 8:* kotte infoverhaelen die betrekking hebben op de eigen leefomgeving, en een zuukopdracht waarbi'j gebrek maekt wodden kan van kaorten van vroeger en now. Daornaost een foto-opdracht veur et maeken van en biezondere foto in et eigen dörp mit een kotte uutleg.
- De eerste opzet veur et ontwikkelen van een exkursieprojekt dat anslöt bi'j 'Et Stellingwarver voegelboek'. De exkursies wo'n in de twiede helte van april 2014 hollen.

In et verslagjaar was hiemkundemitwarkster Sietske Bloemhoff ok betrokken bi'j verschillende veurleesprojekten en bi'j et overleg mit verschillende aanbieders van lesmateriaol van onderwiesburo Comperio.

Op woensdag 25 september wodde de jaarlikse hiemkundemiddag veur et onderwiesend passeniell in Stellingwarf organiseerd. Tiedens die middag wodt et ni'jste lesmateriaol prissentend en is d'r tied veur vraoge en aanbod. Een kleine dattig onderwieskrachten deden an de middag mit.



Veur alle leerlingen van et basisonderwies wodde een fotowedstried organiseerd. De opdracht daarveur was om een foto te maeken in et eigen dörp van et, veur de leerling, meest biezondere plak. Op 'e foto de winners van die wedstried. (Foto: Lenus v.d. Broek)

B 3. TOMKE

Begin meie verscheen veur de achtste keer de Stellingwarver edisie van *Tomke*. Tomke is de naeme van een leesbevodderingspergramme veur ukken in Friesland, dat in een saemenwerkingsverbaand mit de Afûk ontwikkeld wodt. Veur de Stellingwarver vertaeling zorgde Sjoukje Oosterloo.

Van et Stellingwarver Tomke-boekien wo'n ieder jaor 1000 exemplaoren drokt, alle ukken in de Stellingwarver kriegien et boekien deur de Schrieversronte ommenocht anbeuden.

Dit jaor wodde veur de zesde keer mitdaon an et veurleesprojekt Tomke dat in juni hollen wodt. Zowat alle ukkespeulplakken en plakken veur kienderopvang in Stellingwarf doen hier an mit. Zoe'n twintig vri'jwilligers zetten heur hierveur in. De koördinaosie wodde verzorgd deur de vri'jwilligers Wikje Haan en Akkie Zeilstra. De aktie wodt in gezaemelikhied uitvoerd mit 'It Selskip foar Fryske tael en schriftekennisse'.

B 4. DE VERTELKOFFER

Omreden de Friese Vertelbus niet meer rieden kan, is Tresoar overgaon naor een aander vertelprojekt, dat is 'De Vertelkoffer'. De Stellingwarver Schrieversronte het him bi'j dit projekt ansleuten.



Et veurleesprojekt Tomke wodt alle jaoren in de Stellingwarver ukkespeulplakken hollen. De aktie wodt organiseerd, koördineerd en uitvoerd deur vri'jwilligers. (Foto: Lenus v.d. Broek)

C. PUBLIKAOSIES

1. De Ovend

In 2013 verscheen de 41^e jaorgaank van et tiedschrift *De Ovend* mit zes nummers. Vuur nummers van *De Ovend* telden 32 bladzieden in een oplaoge van 1200 stoks. Et decem-bernummer telde 40 bladzieden vanwegens veul biezondere kopie. De redaktie beston uut Koosje Hornstra (tot de zomer), Jimmy Visser en Jannes Westerhof, wiels de buro-redaktie in hanen was van Sietske Bloemhoff. Trijnje Telkamp zorgde veur de tekstver-warking en zorgde ok veur de vormgeving van et tiedschrift. Et tiedschrift wodt drokt en verstuurd deur Pijper Media in Grunningen.



In 2013 konnen de volgende boeken uitgeven wodden:

1. *Bergveld lest veur uut eigen wark*

Op 22 maart verscheen et boek *Bergveld lest veur uut eigen wark*, deur Henk Bloemhoff. In et boek is alle wark van de eerste belangrieke schriever in et Stellingwarfs opneumen (verhaelen, gedichten, godsdienstig wark, tenielwark). Omreden et verzaemelen, schrieven en redigeren van et boek meer tied nam as verwacht, kon et now pas verschie-nen, en niet zoas et doel was in 2012. De eerste exemplaren wodden overhaandigd an SONT-veurzitter Hans Gerritsen en an Piet en Jan Harmens Bergveld, de beide zeunen van Bergveld. (Oplaoge 500 stoks)



2. *Ofscheid*

Op 17 meie verscheen de rouwmappe *Ofscheid*. In die mappe is een speciaole bundel op-neumen mit teksten die bruukt wodden kunnen tiedens rouwplechtigheden. De bundel is saemensteld deur Grietje Bosma, Attie Nijboer en Jan Schonewille. Daornaost bin in de mappe twee dichtbundels en de cd 'Dag, Stellingwarvers' te vienen. De rouwmappe wod-de uutdield an meensken die beroepshalve mit rouwplechtigheden te maeken hebben.



3. *Taalfietstocht rond Berkoop*


4. *Wandelen rond Wolvega*

Op 30 meie verschenen twee toeristische routegidsen. Et gong daarbij in et eerste plak om de routegids *Taalfietstocht rond Berkoop* (Sietske Bloemhoff). Et is et tweede gidsien in een serie van meer, et eerste diel beschrift de route langs de buurtschoppen van Ooster-woolde. Op dezelde middag verscheen ok de routegids *Wandelen rond Wolvega*, schre-ven deur Geert Lantinga. De boekies wodden uutrikt an wethoolder Sierd de Boer van Oost-Stellingwarf en burgemeester Gerard van Klaveren van West-Stellingwarf. (Oplaoge van elk 500 stoks)



5. *Winterwille*

Op 20 november verscheen et winterboek veur kiender *Winterwille*. An dit boek wark-ten negen schrievers, tekeners en fotografen mit. Dat bin: Christine Mulder, Frank Spij-kers, Freddie de Vries, Herma Egberts, Nanda van Gestel, Ruurd Jelle van der Leij, Sietske Bloemhoff, Sjoukje Oosterloo en Xavière Kolk.



In et boek bin verhaelen, riempies, strips, puzzels, kleurplaeten, spullegies en zo henne opneumen. Et boek is geschikt veur kiender van vier tot twaelf jaor. De prissentasie was in boekhandel Bruna in Oosterwoolde en The Readshop in Wolvege. (Oplaoge 500 stoks)

6. *'t Is genoeg west*

Van Lies Boersma wodde de autobiografische roman *'t Is genoeg west* uitgeven. Et boek wodde op 29 november prissenteed, et eerste exemplaar was veur de partner van de schrijfster. Veur de Stellingwarver tekst zorgde Sjoukje Oosterloo. (Oplaoge 250 stoks)



7. Stellingwarver Vissen, amfibien en reptielen in Stellingwarf

In et verslagjaor wodde begonnen mit et dadde diel van de Stellingwarver netuurserie, die de Stellingwarver Schrieversronte utgeeft. Et eerste diel was *Et Stellingwarver Plaanteboek*, et twiede *Et Stellingwarver Voegelboek*. de bundel. Et dadde diel beschrift de vissen, amfibien en reptielen die in Stellingwarf veurkommen (kunnen). Et boek wodt schreven deur Henk Jager. Omreden et lange duorde eerdad de financiën veur dit boek rond weren verschient et boek in 2014. (Oplaoge 500 stoks)

8. Stellingwarfs Volkslied

Mit riegelmaat was d'r de laeste jaoren vraoge naor et Stellingwarfs Volkslied. Uuteindelijk is besleuten om een cd uut te geven mit een zongen versie én een instermentaole. De cd wodt in 2014 uutbrocht in een speciaal 24 bladzieden tellend mediaboek. De opnaemen weren op 30 november 2013 in de karke van Berkoop.

9. Stellingwarver Zaeken

Veur de regionaole kraanten *Nieuwe Ooststellingwerver* en *Stellingwerf* wodde ien keer in de drie weken zorgd veur de bladziede *Stellingwarver Zaeken*. Et redaktie- en korrektiewark veur disse nijs- en verhaelebladziede is in hanen van Sietske Bloemhoff, vaaste mitwarkers bin Roely Bakker, Herma Egberts, Sjoukje Oosterloo, Henk Bloemhoff, Harmen Houtman en eren.



*Foto boven: De prissentasie van de beide routegidsen in Wolvege.
Foto onder: Veul belangstelling veur de boeken tiedens de sutelaktie.
(Foto's: Lenus van der Broek)*

C 2. TAELESTIMULERENDE AKTIVITEITEN

In 2013 bin weer verschillende taelstimulerende aktiviteiten ofsleuten en ni'je op gang brocht:



Ds. Rienk Klooster in de karke van Berkoop. (Foto: Lenus v.d. Broek)

- Op zundag 13 jannewaori wodde in de karke van Berkoop een biezondere Stellingwarver Dienst holer. De dienst was de officiële sluting van et jubileumjaor van de Stellingwarver Schrieversronte. Veurganger was dominee Rienk Klooster. Zoe'n vuuftig personen maekten de dienst mit.
- Op 22 feberwaori was d'r in Langedieke een aovend veur de vri'jwilligers van de Stellingwarver Schrieversronte. De aovend wodde orgeniseerd deur alle zeuven bestuursleden. Veur de kulturele invulling van de aovend zorgden Carolien Hunneman, Kees Koopstra, Johan Veenstra, Jimmy Visser en Freddie de Vries. 120 vri'jwilligers kwammen op disse biezondere aovend of.
- Op 19 meert was d'r een 'Thema-aovend veurlezen', die de vri'jwillige veurlezers van de stichting anbeuden wodde deur It Selskip foar Fryske tael en Schriftekennisse. Die aovend wodde verzorgd deur de Friese schriester Riemkje Hoogland. Tal dielnemers: 14.
- Op 22 april was de prissentaoisie van et boek *Bergveld vertelt uut eigen wark*, dat saemensteld wodde deur dr. Henk Bloemhoff. Et eerste exemplaor was veur SONT-veurzitter Hans Gerritsen. H.J. Bergveld was ien van de eerste belangrieke schrievers in et Stellingwarfs.
- Op 17 meie was de prissentaoisie van *Ofscheid*, de rouwmappe mit speciaole teksten in et Stellingwarfs veur rouwplechtigheden. De mappe wodde anbeuden an meensken die vanuut heur beroep mit rouwplechtigheden te maeken hebben.
- Op 19 juni was de uutrikkinge van de priezen an kiender die de fotowedstried *Et meest biezondere plak in et dörp* wunnen hadden. De winnende foto's bin publiceerd in et tiedschrift *De Ovend*.
- Op 24 augustus wodden in Wolvege twie ni'je routegidsen prissenteeerd. Et eerste exemplaor van de *Taalfietstocht rond Berkoop* was veur wethoolder Sierd de Boer; et eerste van *Wandelen rond Wolvega* was veur burgemeester Gerard van Klaveren.



Jong en oold kwam naor Stellingwarfpop 2013. (Foto: Lenus v.d. Broek)

- Op 20 september hyl de Stellingwarver Schrieversronte een gezaemelike literaire aovend mit de Fryske Krite van Oosterwoolde. Die aovend wodde orgeniseerd vanwegens et ofsluten van de sutelaktie en de Friese boe-kemaond. De aovend, waor 120 meensken op of kwammen, wodde verzorgd deur Johan Veenstra en Douwe Kootstra
- In et kader van de kienderboekeweke wodde, verdielid over vier groepen, op 11 oktober veurlezen an alle kiender van groep 4 van et basisonderwies in Oost-Stellingwarf. D'r wodde veurlezen deur Femmie van Veen, Wim Hunneman en Jitze Hofstra.
- Op 9 november wodde veur de zesde keer et popfestival Stellingwarfpop hopen. Dit keer was et festival in et dörpshuus van Makkinge, zo'e'n 120 meensken, jong en oold, kwammen op Stellingwarfpop of.
- Op 20 november wodde et winterboek veur kiender *Winterwille* prissenteeerd in de boekwinkels van Oosterwoolde en Wolvege. Op de beide prissenteaosies kwammen flink wat kiender of; de middag wodde verzorgd deur de negen mitwarkers van et boek.
- Op 29 november wodde de autobiografische roman *'t Is genoeg west* van Lies Boersma prissenteeerd. De Stellingwarver bewarking wodde verzorgd deur Sjoukje Oosterloo.

2. StellingPlus

In 2013 warkte webmaster Ninke van der Veen drie uren in de maond an et veerder uutbouwen van de webstee StellingPlus. Disse webstee is veural bedoeld om (jonge) meensken an te vieteren op alderhaande gebied aktief te wodden mit en veur de eigen streektael en streekkultuur. De webstee wodde in 2013 ok inhoudelik beheurlik uutbreided mit ni'je rebrieken, onderwarpen en tot meer gebruik anvieterende akties. De redaktie van StellingPlus wodt verzorgd deur Sietske Bloemhoff. De webstee wodt onderhaand wekeliks gemiddeld deur 200 unieke bezukers bekeken.

3. Projekt Veurlezen op ukkespeulplakken

Veur de zesde keer orgeniseerde de Stellingwarver Schrieversronte een veurleesaktie in zowat alle ukkespeulplakken en plakken veur kienderopvang in de beide Stellingwarven. Zo'e'n twintig vri'jwilligers zetten heur in veur disse taelstimulerende aktie, die koördineerd wodt deur de vri'jwilligers Wikje Haan en Akkie Zeilstra.

StellingPlus is:



De webstee StellingPlus wodt veul gebruik van maekt.

4. Eupen Stal

Tiedens de vier weken durende tentoonstelling 'Eupen Stal' was in et gebouwen van de Schrieversronte extra eupen om ok et wark van de Stellingwarver Schrieversronte toe te lochten an de bezukers van Eupen Stal. De extra eupeningstieden wodden veural verzorgd deur vri'jwilligers.

5. Stellingwarfpop

De kemmissie Stellingwarfpop kwam ok in 2013 riegelmaotig bi'j mekere om veur de zesde keer et Stellingwarfs popfestival 'Stellingwarfpop' te organiseren. Stellingwarfpop was dit keer in et dörpshuus van Makkinge op zaaterdag 9 november. Zes bands deden an et festival mit, veur een extra optreden zorgde Serge Epskamp. De jury beston uut Kjest Herder, Klaas Osinga en Peter Riksmā. Bezukers: 120.

6. Ofsluting Fries boekemaond

Op 20 september was in de biebeltheek van Oosterwoolde een ofslutende aovend van de Friese boekemaond. De aovend wodde in gezaemelikhied organiseerd mit de Fryske Krite en de Stellingwarver Schrieversronte. De aovend wodde verzorgd deur Johan Veenstra en Douwe Kootstra. Tal bezukers: 120.

7. Lezings

Op 14 feberwaori hul drs. Dennis Worst en lezing over de laandschopsgeschiedenis van Opsterlaand en de angrenzende Stellingwarven. De lezing was een introduktie van de kursus Laandschopsgeschiedenis, die laeter in et jaor veur et eerst uut aende gaon zol. Tal bezukers: 20.

8. Veurleesdaegen december

Omreden de Kastdaegen in 2013 midden in de weke vullen, was et niet meugelik om twie anienslutende daegen de jaarlikse veurleesaktie te hōlen. Besleuten wodde om de aktie in de eerste helte van jannewaori 2014 te hōlen. Veur de zesde keer zollen doe zoe'n twintig vri'jwilligers veurlezen in de verschillende verzorgingstehuzen in de Stellingwarven en Wilhelmina-oord. De koördinaosie wodt alle keren verzorgd Schrieversronte-mitwarkster Immy Sloot.

9. Streekmarken, boekemarken en streekfestivals

Deur et hiele jaor henne was de Schrieversronte op tal van streekmarken en streekfestivals anwezig mit een info- en/of verkoopkraom, die alle keren bemand wodde deur vri'jwilligers.

C 3. PROJEKTMANAGEMENT



In 2012 wodde weer mit tal van verschillende ere instellings saemenwarkt.

1. Stellingwarf Kultureel

Op 13 meert was d'r et jaorlikse overleg 'Stellingwarf Kultureel' mit de Vereniging Historie Weststellingwerf, de Ooldhiedkaemer (West-Stellingwarf) en 't Vlechtmuseum Noordwoolde. Op die wieze holen de vier instellings kontakt mit mekere en wo'n alderhaande zaeken daor alle viere mit te maeken hebben (kunnen) bepraot. De organiserende instelling was dit keer de Vereniging Historie Weststellingwerf, de Ooldhiedkaemer, lokte et deur omstanigheden niet om de bi'jienkomst bi'j te wonen. Op 12 november was d'r een twiede overleg, dit keer bi'j de Stellingwarver Schrieversronte. Tiedens dit overleg bin plannen maekt om een gezaemelike digitale agenda te ontwikkelen. Omreden

de Ooldhiedkaemer, mar even laeter ok 't Vlechtmuseum mit biezundere omstanigheden te maeken kregen, bin de plannen uutsteld tot laeter.

2. Alles rondom taal

Tegere mit Klaasje Herder (biebeltheek Oost-Stellingwarf) en Femke Adams (boekhandel Bruna) vormt Sietske Bloemhoff de literaire warkgroep *Alles rondom taal*. Die warkgroep, die onderdiel is van Stichting Kunstwerf, organiseerde in de kienderboekeweke van 2013 speciaole aktiviteit veur alle kiender van groep vier van et basisonderwies in Oost-Stellingwarf. In boekhandel Bruna las schriever Arend ten Dam veur uut eigen wark, in de biebeltheek weren spullegies passende bi'j et thema van de kienderboekeweke, in et paand van Stichting Kunstwerf wodden Stellingwarver verhaelen veurlezen. Op vri'jdagaovend 20 december was d'r een verhaele-aovend in de biebeltheek van Oosterwoolde mit Baukje Koolhaas.

4. Saemenwarking mit AFÛK

a. Tomke

Ok in 2013 kon deur een goeie saemenwarking over en weer et boekien veur ukken *Tomke* verschienen. De Stellingwarver Schrieversronte verspreidet et boekien ommenocht onder alle ukken van Stellingwarf. Veur de vertaeling zorgde opni'j Sjoukje Oosterloo.

b. Veerdere saemenwarking

In 2013 was d'r overleg mit de direkteur van de Afûk, de heer Koen Eekma, angaonde de meugelikheden van et uutgeven van een Stellingwarver versie van et kienderboek *Tuzend Wurden*. Vanwegens de kosten is besleuten hier eerst van of te zien.

5. Saemenwarking mit Tresoar

a. Boekemark

Omreden d'r ok in 2013 gien Friese sutelaktie was, wodden dit jaor niet op die wieze Stellingwarver boeken verkocht. Wel weren d'r de Friese boekeweken, mit as ofsluting de grote boekemark op et Franse pleintien in Drachten. De Schrieversronte wodde daor krek zoas veurgaonde jaoren vertegenwoordigd deur Fettje Alten en Johan Veenstra.

b. Warkwinkel Lietteksen

In 2013 wodden de meugelikheden veur een gezaemlike warkwinkel 'Lietteksen' veerder bepraot. Bi'j dat overleg is now ok Stichting Ons Bildt betrokken. Et doel is om an de warkwinkel ok een meziekfestival te koppelen. An beide kun dan Stellingwarfstaelige, Friese en Bildtse schrievers en muzikaanten mitdoen. Om dit goed veur te bereiden is et plan deurscheuven naor 2014.

c. De Vertelkoffer

'De vertelkoffer' veur et basisonderwies wodt i.s.m. Tresoar anbeuden.

d. Digitalisering

In een professioneel opzet digitaliseringsprojekt van Tresoar angaonde Friese literetuur, zal ok de Stellingwarver literetuur mitneumen wodden, zo is in 2013 ofpraot.

6. Saemenwarking mit Fryske Akedemy

Tiedens overleg in 2012 angaonde meer saemenwarking, wodde doe konstateerd dat op et gebied van et wetenschappelik onderzuuk d'r zeker meugelikheden weren. Et risseltaot is dat in de twiede helte van 2013 dr. Henk Bloemhoff ansteld is bi'j de FA as gaastonderzoker lexikografie en veldnaemekunde. Zien veurnaemste taeken bin aldereerst de digitalisering van et Stellingwarfs Woordeboek en et zorgen veur diel VII van de veldnaemeserie *De veldnaemen van Oosterwoolde*.

7. Saemenwarking mit ere Nedersaksische taelinstituten

Mit de ere Nedersaksische streektaelinstellings van Noordoost-Nederland was d'r dit jaor incidenteel kontakt. Mit naeme angaonde de staand van zaeken rond de erkenning van et Nedersaksisch was dat et geval.

8. Saemenwarking mit Historische Verienings

Behalven de gewone kontakten mit de Historische Verienings van o.e. Haulerwiek, Appelsche, Vereniging Historie Weststellingwerf en Dörpsarchief Berkoop was d'r mit naeme overleg mit de H.V. Oosterwoolde e.o. Zo wodde d'r overlegd over de meugelikheden van et uitgeven van een boek over de veldnaemen van Oosterwoolde bepraot en over et organiseren van een kursus Laandschopsgeschiedenis.

9. Projekt twiedehaans boekemark mit twie Stellingwarver boekwinkels

Op twie zaoterdaegen (15 september en 27 oktober) wodden tegere mit boekhaandel Bruna van Oosterwoolde en boekhaandel Zwikstra van Wolvege twie twiedehaans boekemarken organiseerd.

10. Projekt toerisme in Stellingwarf

De Stellingwarver Schrieversronte wodt mit riegelmaat vraogd naor alderhaande toeristische meugelikheden in et gebied. Mit mekeer bin now drie routegidsen uitgeven; de twie volgende zullen in 2014 verschienen. Ok veur 2015 staon d'r weer twie gidsen op staepel.

D 1. BESTUURS- EN ORGANISASIE-ONDERSTEUNING

Veur de bestuurs- en organisasie-ondersteuning zorgt de direkteur van de stichting. Dat betekent in de praktijk dat et bestuur goed op de hoogte hollen wodt mit de lopende aktiviteiten en de ni'je plannen, d'r is maandeliks een ofstemmingsoverleg mit de veurzitter, d'r wodt zorgdreugen veur et veurbereiden van de bestuursvergeederings en de jaorvergeederding, en d'r wodt zorgd veur et leggen van de neudige kontakten mit de overheden en ere subsidiegevers.

De direkteur gefte ok de daegelikse leiding an et ere passeniell van de stichting, ien keer in de maond is d'r een warkoverleg. Daornaost wodt veur de neudige koördinasie zorgd van alle vri'jwilligersaktiviteiten.

D 2. VRI'JWILLIGERSAKTIVITEITEN

1. Sutelaktie 2013



De sutelaktie van de Stellingwarver Schrieversronte wodt elk jaor eupend deur et blaozen op de speciaole suteltoeter. Dit keer was de eer an SSR-vri'jwilliger Jan de Vries.

De sutelaktie van 2013 brocht een bedrag op van krapan € 14.500,00. Veur dit mooie risseltaot zorgden zo'e'n 80 vri'jwilligers. Et bestuur is butengewoon inneumen mit et feit dat zoveul meensken heur op vri'jwillige basis inzetten willen veur disse zo belangrieke aktie veur oonze stichting.

Toppers in de sutelverkoop weren et boek *Et Stellingwarver Voegelboek* van Freddie de Vries en Ruurd Jelle van der Leij, de beide routegidsen *Taalfietstocht rond Berkoop* en *Wandelen rond Wolvega*, de Stellingwarver Spreukelinder 2014 en et verhaeleboek *Mit et waeter veur de dokter* van Johan Veenstra.

2. Boeekraante *Twie pond 'n stuver*

De warkgroep Publiciteit zorgde weer veur genoeg adverteerders om de jaorlikse boeekraante in een oplaoge van 25.000 stoks verschiene te laoten. De huus-an-huuskraante in Oost- en West-Stellingwarf verscheen veur de 32e keer en beston uut zestien bladzieden.

Et redaktiewark wodde, krek as veurgaonde jaoren, uutbesteded. In de kraante is d'r alle keren veul ommedaenken veur de ni'jste uutgiften, mar d'r bin ok altied interviews mit o.e. schrievers in opneumen.

3. Stellingwarver Spreukekelinder

In meie verscheen bi'j uitgeveri'je Van de Berg in Almere de Stellingwarver Spreukekelinder veur et jaor 2014. Omdat de redaktiekosten deur die uitgeveri'je dreugen wodden, bestedet de Schrieversronte gien uren an dit taelbevodderende projekt.

De kelender wodde saemensteld deur Sietske Bloemhoff, die van een flink tal vaaste mitwarkers ofwisselende kopie kregen.

Die mitwarkers in 2013 weren Roely Bakker, Klaas Boersma, Harmen Houtman, Henk Jager, Kees Koopstra, Sjoukje Oosterloo, Frank Spijkers en Freddie de Vries.

4. De ledestaand

De ledestaand per 31 december 2013 is 1101 (was 1156 in 2012).

Et bestuur het et veurnemen om in 2014, deur o.e. et hollen van Stellingwarver daegen in de dörpen, veul te doen an et warven van ni'je leden. De daegen wo'n orgeniseerd deur de Warkgroep Publiciteit.

ET JAOR- EN PRODUKTVERSLAG 2013 VAN DE STICHTING ET BOEKEFOONS

Stichting Et Boekefoons,
Willinge Prinsstraote 10,
8421 PE Berkoop/Oldeberkoop



Saemenstelling bestuur in december 2013

Veurzitter: Ype Dijkstra, Oosterwoolde

Siktaoris: Fokke Bron, Munnikeburen

Ponghoulder: Henk Koelma, Hooltpae

Twiede veurzitter: Attie Nijboer-Dijkstra, Oosterwoolde

Leden: Jan Baas, De Oosterstreek, Peter Riksmas, Zandpol en Geke Zanen-Dokter, Zuudwoolde

Direktie

De direktie is ienheufdig en de funktie van de direktie wodt uutvoerd deur Sietske Bloemhoff, Ni'jberkoop

Statutaire naeme, vestigingsplak, doel

De Stichting Et Boekefoons wodde opricht op 1 oktober 1986 en kent as vestigingsplak Oosterwoolde, gemeente Oost-Stellingwarf. Doel is neffens artikel 2 van de Stichting: *1. De stichting stelt zich ten doel het Stellingwerfs als levende streektaal te handhaven en te bevorderen. 2. Zij tracht dit te bereiken door: a. het zelf uitgeven of doen uitgeven dan wel het bevorderen van het verschijnen van publicaties in het Stellingwerfs; b. het bevorderen van het gebruik van het Stellingwerfs als schrijftaal in het Stellingwarver taalgebied.*

In et jaorverslag 2004 is uutlegd waaromme as de stichting destieds opricht is. De Stichting is verantwoordelik veur de uutgifte van boeken in et Stellingwarfs en van boeken over Stellingwarf, et Stellingwarfs en alle regionaole kultuuruterings. De Stichting kan ok de saemenwarking zuken mit aandere uitgevers om publikaosies gezaemelik uut te geven of om publikaosies van aandere uitgevers te distribueren of om publikaosies van aandere publicitair te ondersteunen.

In et jaorverslag van de Stichting Stellingwarver Schrieversronte 2013 kan onder de heufdstokken C Publikaoesies (en dan mit naeme 2. Et uitgeven van boeken) en D Vri'jwilligersaktiviteiten (en dan mit naeme sutelaktie, boekekraante en Stellingwarver spreukekelinder) lezen wodden welke aktiviteiten deur de Stichting Et Boekefoons in 2013 uutvoerd binnen.

Et risseltaot van alle investerings en inspannings in 2013 is een positief risseltaot van € 00,00. Een negatief risseltaot zol niet zo slim wezen omreden de uitgeverspoletiek ok richt is om boeken uut te geven die slim die muute weerd binnen en waor lichtkaans wel es geld bi'j moet. Daorumme is et altied wel van belang om een redelik reserve in Et Boekefoons te hebben om ok es tegenvalers in die uitgeveri'je op te vangen.

Wolvega, 24 maart 2014

Geacht bestuur,
Hierbij brengen wij verslag uit over het boekjaar 2013 van uw stichting.

1 Controleverklaring van de onafhankelijke accountant

Verklaring betreffende de jaarrekening

Wij hebben de in dit rapport opgenomen jaarrekening 2013 van Stichting Stellingwarver Schrieversronte te Oldeberkoop gecontroleerd. Deze jaarrekening bestaat uit de balans per 31 december 2013 en de winst-en-verliesrekening 2013 met de toelichting, waarin zijn opgenomen een overzicht van de gehanteerde grondslagen voor financiële verslaggeving en andere toelichtingen.

Verantwoordelijkheid van het bestuur

Het bestuur van de stichting is verantwoordelijk voor het opmaken van de jaarrekening die het vermogen en het resultaat getrouw dient weer te geven in overeenstemming met de Richtlijn voor de jaarverslaggeving voor kleine organisaties zonder winststreven. Het bestuur is tevens verantwoordelijk voor een zodanige interne beheersing als het noodzakelijk acht om het opmaken van de jaarrekening mogelijk te maken zonder afwijkingen van materieel belang als gevolg van fraude of fouten.

Verantwoordelijkheid van de accountant

Onze verantwoordelijkheid is het geven van een oordeel over de jaarrekening op basis van onze controle. Wij hebben onze controle verricht in overeenstemming met Nederlands recht, waaronder de Nederlandse controlestandaarden. Dit vereist dat wij voldoen aan de voor ons geldende ethische voorschriften en dat wij onze controle zodanig plannen en uitvoeren dat een redelijke mate van zekerheid wordt verkregen dat de jaarrekening geen afwijkingen van materieel belang bevat.

Een controle omvat het uitvoeren van werkzaamheden ter verkrijging van controle-informatie over de bedragen en de toelichtingen in de jaarrekening. De geselecteerde werkzaamheden zijn afhankelijk van de door de accountant toegepaste oordeelsvorming, met inbedrip van het inschatten van de risico's dat de jaarrekening een afwijking van materieel belang bevat als gevolg van fraude of fouten.

Bij het maken van deze risico-inschattingen neemt de accountant de interne beheersing in aanmerking die relevant is voor het opmaken van de jaarrekening en voor het getrouwe beeld daarvan, gericht op het opzetten van controlewerkzaamheden die passend zijn in de omstandigheden. Deze risico-inschattingen hebben echter niet tot doel een oordeel tot uitdrukking te brengen over de effectiviteit van de interne beheersing van de stichting. Een controle omvat tevens het evalueren van de geschiktheid van de gebruikte grondslagen voor financiële verslaggeving en van de redelijkheid van de door het bestuur van de stichting gemaakte schattingen, alsmede een evaluatie van het algehele beeld van de jaarrekening.

Wij zijn van mening dat de door ons verkregen controle-informatie voldoende en geschikt is om een onderbouwing voor ons oordeel te bieden.

Oordeel betreffende de jaarrekening

Naar ons oordeel geeft de jaarrekening een getrouw beeld van de grootte en de samenstelling van het vermogen van Stichting Stellingwarver Schrieversronte per 31 december 2013 en van het resultaat over 2013 in overeenstemming met de Richtlijn voor de jaarverslaggeving voor kleine organisatie zonder winststreven.

Verklaring betreffende overige bij of krachtens de wet gestelde eisen

Ingevolge artikel 2:393 lid 5 onder e en f BW vermelden wij dat ons geen tekortkomingen zijn gebleken naar aanleiding van het onderzoek of het jaarverslag, voor zover wij dat kunnen beoordelen, overeenkomstig Titel 9 Boek 2 BW is opgesteld, en of de artikel 2:392 lid 1 onder b tot en met h BW vereiste gegevens zijn toegevoegd. Tevens vermelden wij dat het jaarverslag, voor zover wij dat kunnen beoordelen, verenigbaar is met de jaarrekening zoals vereist in artikel 2:391 lid 4 BW.

BALAANS STELLINGWARVER SCHRIEVERSRONTE

Omschrijving	31 december 2013	31 december 2012	Omschrijving	31 december 2013	31 december 2012
AKTIVA			PASSIVA		
Vaste activa			Eigen vermogen		
Materiële vaaste activa			Algemene reserve	€ -25.661	€ -26.598
Bedrijfsgebouwen en -terreinen	€ 193.601	€ 193.601	Herwaarderings reserve	€ 193.601	€ 193.601
Inventaris	€ 781	€ 1.095		-----	-----
				€ 167.940	€ 167.003
Vlottende activa			Veurzieningen		
Vordderings			Groot onderhoud veurziening	€ 34.521	€ 34.521
Overlopende activa	€ 3.329	€ 3.594	Veurziening jubileum	€ -	
Liquide middels			Kortlopende schulden		
	€ 20.270	€ 24.547	Belastingen en soc.premies	€ 4.498	€ 4.933
			Stichting Et Boekefoons	€ 3.439	€ 2.648
			Overige schulden		
			Overlopende passiva	€ 7.583	€ 13.732
	-----	-----		-----	-----
	€ 217.981	€ 222.837		€ 217.981	€ 222.837
	=====	=====		=====	=====

STAOT VAN BAOTEN EN LASTEN

Omschrijving	2 0 1 3 Begroting	Warkelik	2012 Warkelik	2014 Begroting
BAOTEN				
Subsidies	€ 137.394	€ 135.396	€ 135.854	€ 135.396
Hiemkunde, Comperio	€ 16.524	€ 16.524	€ 16.522	€ 16.524
Kontribusies De Ovend	€ 20.000	€ 17.765	€ 18.221	€ 20.000
Adverteensies De Ovend	€ 2.100	€ 600	€ 2.100	€ 2.100
Bi'jdrege Et Boekfoons	€ 5.000	€ 5.000	€ 5.000	€ 8.000
Diversen	€ 1.000	€ 3.050	€ 1.508	€ 1.550
	-----	-----	-----	-----
TOTAAL BAOTEN	€ 182.018	€ 178.335	€ 179.205	€ 183.570
	=====	=====	=====	=====
LASTEN				
Passenielskosten	€ 129.211	€ 132.052	€ 121.989	€ 130.991
Ofschrijvingen	€ 110	€ 314	€ 314	€ 314
Huusvestingskosten	€ 12.197	€ 11.971	€ 25.851	€ 13.000
Inventaoriskosten	€ 3.500	€ 3.057	€ 4.411	€ 4.250
Uutvoeringskosten	€ 4.500	€ 4.287	€ 3.894	€ 4.000
Algemeiene kosten	€ 15.500	€ 13.067	€ 7.279	€ 16.015
Lede-aktiviteiten	€ 16.500	€ 11.429	€ 14.627	€ 14.500
Financiële baoten en lasten	€ 500	€ 187	€ 234	€ 500
Popfestival		€ 1.034	€ 1.367	
	-----	-----	-----	-----
TOTAAL LASTEN	€ 182.018	€ 177.398	€ 179.966	€ 183.570
	=====	=====	=====	=====
NAODELIG RISSELTAOT			€ 761	
			=====	
VEURDELIG RISSELTAOT		€ 937		
		=====		